



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-5384-3
Sarajevo, 14.11.2019. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i članova. 14. 69. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) - u daljem tekstu: ZJN i preporuke Komisije za javne nabavke Ministarstva unutrašnjih poslova Kantona Sarajevo za 2019. godinu, imenovane Rješenjem broj 05-1-14-4-1920 od 28.03.2019. godine i izmjenom Rješenja broj 05-1-14-4-1920-1 od 12.04.2019. godine u postupku javne nabavke usluga servisiranja motornih vozila, **d o n o s i**

ODLUKU
o poništenju javne nabavke usluga servisiranja motornih vozila

I

Na osnovu Odluke broj 01-14-4-5384 od 30.09.2019. godine i Obavještenja o nabavci broj 1364-1-2-49-3-40/19 od 15.10.2019. godine, proveden je otvoreni postupak uz primjenu e-aukcije u postupku nabavke usluga servisiranja motornih vozila.

Komisija je shodno Zakonu o javnim nabavkama BiH, primjenjujući član 69. stav 2 tačka (e), ZJN („Službeni glasnik Bosne i Hercegovine”, broj 39/14), dala preporuku da se donese Odluka o poništenju javne nabavke usluga servisiranja motornih vozila za LOT 1 – servisiranje motornih vozila marke“VW“ i za LOT 2 – servisiranje motornih vozila marke“Škoda“ .

II

Obavezuje se Komisija da u skladu sa Zakonom o javnim nabavkama BiH pokrene novi postupak javne nabavke usluga servisiranja motornih vozila

III

Ova odluka stupa na snagu danom donošenja.



Obrazloženje

Na osnovu Odluke o nabavci broj 01-14-4-5384 od 30.09.2019. godine, Komisija za javne nabavke je izvršila pregled i ocjenu pristiglih ponuda u otvorenom postupku javne nabavke uz primjenu e-aukcije za nabavku usluga servisiranja motornih vozila za potrebe Ministarstva unutrašnjih poslova Kantona Sarajevo.

U provedenom postupku pristigla su dvije ponude od ponuđača :

1. „AC QUATRO „ d.o.o. SARAJEVO , ul. Put života broj 1 Sarajevo
2. “Porsche Inter Auto BH” d.o.o, Sarajevo, ul. Bulevar Meše Selimovića br. 16

Navedene ponude su blagovremeno zaprimljene i otvorene, te je o tome sačinjen Zapisnik o otvaranju ponuda koji je i otpremljen ponuđačima u zakonom određenom roku.

Ponuda ponuđača AC Quatro d.o.o Sarajevo dostavljena za:

LOT 1 Servisiranje motornih vozila marke „Volkswagen“ iznosi 92.767,39 KM sa PDV-om , što znatno premašuje procijenjenu vrijednost nabavke za LOT 1 koja iznosi sa PDV-om 79.694,17 KM, dok ponuda ponuđača “Porsche Inter Auto BH” d.o.o. za LOT 2 Servisiranje motornih vozila marke “Škoda” iznosi 51.907,54 KM sa PDV-om, dok procijenjena vrijednost za LOT 2 iznosi 18.305,82 KM sa PDV-om.

Obzirom da ponuđene cijene za LOT 1 i LOT 2 znatno premašuju procijenjenu vrijednost nabavke i obezbjeđena sredstva u Budžetu za 2019. godinu, a samim tim Plan nabavki za 2019. godinu, Komisija za javne nabavke daje preporuku ministru Ministarstva unutrašnjih poslova da poništi postupak javne nabavke “Nabavka usluga servisiranja motornih vozila za potrebe Ministarstva unutrašnjih poslova Kantona Sarajevo” broj obavještenja o nabavci 1364-1-2-49-3-40/19 od 15.10.2019. godine., a u skladu člana 69. stav (2) tačka (e) Zakona o javnim nabavkama Sl. glasnik BiH 39/14.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama BiH.

DOSTAVITI:

1. Ponuđaču,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

